

Friûl di Jevât

PAR CURE DA LA SOCIETÂT FILOLOGJICHE FURLANE

Vie Ascoli, 1, Guriza - tel./fax 0481533849 - gorizia@filologicafriulana.it - www.filologicafriulana.it

E torne dai 7 ai 17 di Mai la Setemane de Culture Furlane

Etorne dai 7 ai 17 di Mai la Setemane de Culture Furlane. La rassegna, promovude de Societât Filologjiche Furlane e rivade a la edizion numar 13, e propon un program siôr e svariât di events e manifestazions in dut il Friûl.

Jenfri lis iniziativis principâls al è il ricuart di pre Josef Marchet a sessante agns de sô muart. Ai 8 di Mai, aniversari de muart dal predi, inteletuâl e autonomist, si vierç la mostre fotografiche "Lis gleseutis di pre Josef Marchet / Le chiesette di don Giuseppe Marchetti", a Udin te Cjanive di Palaç Mantica in vie Manin 18, sît de Societât Filologjiche Furlane.

La mostre, vierde fin ai 12 di Jugn, e sarâ introdusude, simpri ai 8 di Mai a 5 dopo misdî, tal salon d'onôr di Palaç Mantica, dal incuintri "La vôs de Patrie: pre Josef Marchet 60 agns daspò", cui intervents di Walter Tomada e Carlo Venuti, e de Sante Messe tal Oratori de Purità a 7 di sere.

L'esposizion e vûl valorizâ un dai setôrs di interès de figure poliedriche di pre Marchet: il fundamentâl lavôr di ricercje e documentazion fotografiche des gleseutis votivis di dut il Friûl.



partecipazion dal Piccolo Coro Artemia di Tor di Zuin, dal Côr Polifonic di Ruda, de Orchestre Zovanil dai Filarmonics Furlans direzûts di Giuliano Medeossi: partint de leture dai salms, il concerti al unis riflessions e poesis di autôrs furlans, che a pandin la sperance che la ricostruzion materiâl e sedi compagnade de ricostruzion dai valôrs e de identitât furlane. Come par tradizion, la Setemane si sierarâ cu la Fraie de Vierde, la tradizionâl fieste di Primevere che chest an si tignarâ a Roncjis domenie ai 17 di Mai.

Simpri inte suaze de Setemane a son in program cetantis iniziativis tal Gurizan - oltri che a Guriza, ogjet dal articul ta cheste pagine - ançe a Cormòns, Romans, Dael, Mosse.

Il program complet zornade par zornade si lu cjate sul sît www.setemane.it, li che si puedin ançe seguî lis diretis streaming e i events in linie.

La Setemane e je realizade cul sosten e il patrocin dal Ministeri de Culture, de Region Autonome Friûl Vignesie Julie, de Fondazion Friûl, de Fondazion Casse dal Sparagn di Guriza e di Ent Friûl tal Mont.

Une Setemane par dut il Friûl

La rassegna, promovude de Societât Filologjiche Furlane e rivade a la edizion numar 13, e propon un program siôr e svariât di events

Inte mostre e tal catalic a son presentadis diversis gleseutis dal Friûl gurizan: il Ss. Crucifis de Subida di Cormòns, San Michêl di Vila, Sant Spirt tal Cjistiel di Guriza, San Silvestri a Piuma di Guriza, Ss. Pieri e Pauli di Vilagnova di Fara, Sant Spirt di San Canzian dal Lisunç, Sant Antoni di

Flumisel, il Santuari da Madona dal Preval di Mossa. Tal an dal cincantesim dal taramot dal Friûl, a Aquilee, sabide ai 16 di Mai a 8.45 di sere, te Basiliche patriarcjâl, al è in program "Ti ai disegnat sul dret das mès mans": un oratori ideât e curât di Renato Stroili Gurisatti cu la

Flumisel, il Santuari da Madona dal Preval di Mossa.

Tal an dal cincantesim dal taramot dal Friûl, a Aquilee, sabide ai 16 di Mai a 8.45 di sere, te Basiliche patriarcjâl, al è in program "Ti ai disegnat sul dret das mès mans": un oratori ideât e curât di Renato Stroili Gurisatti cu la

Il Comun di Guriza e la Societât Filologjiche Furlane a proponin iniziativis dai 28 di Avrîl ai 28 di Mai Guriza e celebre il Friûl e la sô storie



Inte suaze des celebracions pe Fieste de Patrie dal Friûl, il Comun di Guriza e la Societât Filologjiche Furlane a proponin iniziativis dai 28 di Avrîl ai 28 di Mai.

In Cjasa Ascoli di vie Ascoli 1, sît gurizan de Societât Filologjiche Furlane, ai 28 di Avrîl si è vierde la mostre di ilustrazions "Il dono di Beatrice" di Barbara Jelenkovich, dedicate ae storie dal cjistiel di Guriza te Ete di Mieç: la mostre e sarâ vierde al public fin ai 28 di Mai cun chescj oraris: di lunis a joibe des 10 aes 12.30 e des 15.30 aes 18 - il vinars des 10 aes 12.30.

Inte suaze de Setemane de Culture Furlane a son in program altris iniziativis, simpri in Cjasa Ascoli: joibe ai 7 di Mai, aes 6 di sere, si davuelzarâ l'insediament de taule pe minorance linguistiche furlane dal Comun di Guriza: la citât e varâ cussî un gnûf organisim pe tutele de marilenghe, un strument che nol à precedents in dut il Friûl; a la fin e sarâ la inaugurazion dal percors multimediâl a la discuierte di Cjasa Ascoli. Vinars 8, aes 6 di sere, la conferenze cun leturis par furlan "Maridaile di Vendemis" par cure dal Grup Folcloristic "Santa Guriza". Domenie 10 aes 6 di sere apontament cu la leture in musiche "Fiore di roccia", dal romanç di Ilaria Tuti su lis "portatrici" cjargnelis cu la partecipazion di Giulia Pizzolongo a la ghitare, Andrea Miola al mandulin e la vôs di Serena Fogolini.

No manjaran presentazions di libris e edizions di interès furlan e gurizan: tal Centri Civic di Lucinîs, lunis 11 aes 8.30 di sere si presentarâ "Lucinico. L'altra città" di Roberto Covaz.

Martars 12 aes 5.30 dopo misdî in Cjasa Ascoli, si presentarâ il numar 118 di "Studi Gurizani", la riviste de Biblioteche Statâl Isontine.

Ancjemò miercus ai 13, aes 5 dopo misdî te sede de Union Gjinastiche Gurizane, in vie Rismondo 2, a saran proponûts i volums di Giorgio Milocco "I volontari irredenti della Contea di Guriza" e "I goriziani e i friulani nel Corpo Italiano in Estremo Oriente (1918/1920)".

Par memoreâ il taramot dal 1976, joibe ai 14, aes 6 di sere in Cjasa Ascoli, in colaborazion cun Italia Nostra sezion di Guriza, al sarâ presentât "Architettura dal Novecento a Gemona e nella pedemontana friulana" di Diana Barillari.

Vinars ai 15 aes 8.30 di sere tal Centri Civic di Lucinîs al sarâ presentât l'ultin romanç di Egle Taverna, "Lâ daûr dai siums".

Par sierâ il program des tantis iniziativis pe Fieste de Patrie dal Friûl a Guriza, joibe 21 di Mai aes 6 di sere in Cjasa Ascoli, Sophia Simon e tignarâ la conferenze "Graziadio Isaia Ascoli e la Gjermanie: contats e colaborazions cu la societât orientâl di Halle e di Lipsia".